



DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Martis undecimâ mensis Martii,

anno Domini MDCC. LXXVII.

M. FRANCISCO-FELICITATE COCHU,

Doctore Medico, Præside.

An Radiorum solarium actio sanitati conferat?

I.



INTER tot admiranda Creatoris opera, quibus supremos honores detulit delusa mens hominum, nullum videretur sole divinius; nisi docilis ipse impositas leges subiret. Ex sole in centro sphaeræ posito ad orbem usque nostrum protrusi radii, immensum certè decurrunt iter. Illud decies millenas æquare terræ diametros crediderunt *Newton & Cassini*. Tantum spatium solaris materies absolvit septem horæ minutorum tempore, ut ex Eclipsibus

satellitum Jovis demonstravit *Roëmer*. Ea dum corporum superficiem extimam collustrat, simul in ipsorum intima ignem insinuat, undè ista calefunt & expanduntur. Ex hâc luminis ignisque societate, unâ plerumque crescunt & decrescunt utriusque effectus; & ex directo plenoque influxu vividiores, inclinante sole minuuntur, subducto evanescent. Sic gelidæ noctis tenebræ diei ferventis lucem excipiunt; sic umbram sequitur opacum frigus.

Nihilominus dissociabili nexu coeunt coloris calorisque causæ, & diversis obsequiosæ legibus separari possunt. Nullum gignit calorem frigida luna, licèt suum ex sole fervido mutuetur lumen; collectisque vitro ipsius radiis, lux in focum subit intolerandum oculis; calor autem, judice Thermometro ipso *Drebbeliano*, nequidem levissimus inest. Receptâ luce prægnans præparatus Bononiæ lapis, vicina collustrat, prunam ardentem fulgore imitatur, tactu frigidissimus. Contrâ ardentissimo soli exposita diu ferrea massa calorem concipit multum; nullam spargit, si tenebris involvatur, lucem. Adedque, & lumen ab igne distinctum est, & quæcumque sit eorum natura, ex ipsorum societate constat solare effluvium.

Verùm ignis solaris ille, nullo indigens pabulo, non est mera corporum in quæ recipitur conditio, si quidem existit per se, certasque tum actionis, tum directionis massæque leges sequitur. Iste *Elementaris* quoque meritò dictus, distinguendus est ab eo, quem foci continent domestici. Hic vel aliundè applicatus, vel ingenti partium concitatus frictu, alitur substantiâ corporum, factusque per resistentias major, solvit compositorum principia, fixa phlogisto spoliât, volatilia abripit in flammâs. Idem & calorem, & lumen parit, & prismaticos imitatur colores. Nempè materies eadem est, ortus tantum dissimilis. Forsan ignis ille *Elementaris*, per naturam omnem divisus sapienti consilio, corporum intimos pervadit poros, nihil tamen, dum sic placidus oberrat, mutationis parit, nisi quæ lentos naturæ gradatim perficiat labores. Ubi verò, vel externis causis agitur vividius, vel luce condensatâ rapidius pellitur, vel peculiari partium dispositione uberius attrahitur in corpora; tum suum invadens pabulum, dividit, penetrat, incendit, destruit. Verùm hæc sunt arcana naturæ miracula, recondita in ipsius adytis. Nobis hoc tantum licet, leges luminis ignisque solaris observatas exponere, collatisque effectibus, quid ad nostram utilitatem sanitatemque possint de- tegere.

I I.

UT est lucidorum radiorum principium duplex; sic pro diversâ hujus naturâ duplex legum ordo.

Ignis enim omnium naturæ corporum subit intima, his receptus, partium

continuitate dividitur æqualiter in omnem eorum massam; contactuque in vicina transit. Scilicet perpetuo nisu ad æquilibrium tendit ignea materies; rursusque ex calefacto corpore per ipsius ambitum dimanat atque dissipatur, donec ambientis atmosphæræ calori fiat æquilibris. Penetrationis autem illius varia est celeritas. Namque quò violentiori impetu compulsi ignis adigitur, eò se & celerius insinuat & abundantius. Sic ex directis magis incallescimus radiis, minus ex obliquis. Indè meridiano torremur sole, sub serotino frigemus. Indè & generales pendent tempestatum climatunque differentia. Nec minùs varia est ea celeritas pro variâ conditione corporum. Nam quæcumque minimè resistunt, & quorum major est superficies pro massæ quantitate, ea, cæteris æqualibus, & incallescunt citius, & citius refrigescunt. Nempè celeritas illa triplicem sequitur rationem, impetûs aucti superficialiumque directam, & inversam resistentiarum.

Verùm lumen solare, focium in suas leges communesque radios trahens ignem, proprio & peculiari more diffunditur, sive ex suo fonte dilabens liberum iter per inane currat, sive exceptum variis corporibus varias subeat mutationes.

Ex centro in ambitum sparsa solaris materies, perpetuo rapta motu, rectum pergit iter. Hæc prima lex.

Eadem in atmosphæram orbis nostri deveniens, partim ipsam pleno flumine penetrat, partim decliviorẽ ingressa sphæram, lege dioptricâ deflectit ab incepto cursu, auctâque sensim per crescentem aëris densitatem refractionis vi, curvam sequitur ad nos usque viam. Ideò post submersum horizonte solem, lux maligna crepusculi manet sensim decrescens, & adventanti nocti gradatim assuescimus.

Terris igitur admissi radii, novas agnoscunt leges, & id in primis proponendum est; ipsos attractione manifestò regi; exceptumque *Newtoni* experimento in tenebris radium, versis corpora apposita aliquatenus detorqueri, & quâdam attrahente vi rectum deserere tramitem. Deindè variis immutantur modis, dum per diaphana corpora transmittuntur, reflectuntur ab opacis, à coloratis absorbentur, coherent phosphoricis.

Quam scilicet in penetrandâ atmosphærâ legem sequitur, eam in pervadendis omnibus diaphanis servat lucida materies, ut nempè ad perpendicularum tendat semper, & si ab eo declinaverit obliquè incidens, transmissa versus perpendicularum refrangatur. Præterea ingressus obscurum conclave radius candidissimus, in *Newtoniani* prismatis angulum illidens, ob maximam obliquitatem & variam in singulas ejus partes refractionis vim, dividitur in septem minores seorsim radios, totidem diversis coloribus insignitos, ita ut pro intensiori colore minor sit refractionis. Verùm inde quoque

sequitur majoris ad nostrum propositum momenti phænomenon. Scilicet in sphaericis juxta radios sphaerae refractum lumen, plus minusve accuratè in centrum colligitur pro variâ corporis refragentis densitate. Tunc raptò igne per majorem socii luminis impetum, & audâ utriusque per adunationem vi, focus efficitur maximè urens & fulgidissimus. Inde oritur vis ingens lentium vitrearum, corpora destruens aliis ignibus impervia.

Eximiâ elasticitate donatæ luminis partes per æquales incidentiæ & reflexionis angulos repelluntur ab opacorum corporum superficie. Indè ars nova lucis ignisque colligendi, dùm in lævissimum & parabolicum *Viletti* speculum incidens radius, æqualibus ad tangentem cavi lineam factis angulis, in parabolæ focum condensatur. Inde nova vis, lentium vitrearum actionem superans.

At ipso in reflexionis transmissionisve puncto, sæpius quædam sit decompositio radii, cujus aliæ partes absorbentur, aliæ juxta prædictas leges cursum continuant. Indè varii corporum conspiciuntur colores. Istud absorptionis phænomenon ex compositione corporum variâ, & siquid hic conjicere licet, quâdam veluti chemicâ affinitate oriundum videtur. Nam quæ corpora obscuriori colore donata lumen magis absorbent, eadem, aut abundantius, aut explicitum magis continent illud, quod vocamus *phlogiston*. Hic etiam ignis in luminis societatem legesque rapi videtur; & nigra corpora, quæ cæteroquin per contactum non celerius incaluisse, ut nihil ferè luminis remittunt, ità rapidissimè radiorum igne penetrantur, dùm albicantia lentium vitrearum focum diutius ferunt immutata.

Quod spectat cohesionem luminis cum Phosphoricis corporibus, ut pauca sunt ista, & non benè nota, & hanc proprietatem quâ receptâ luce imprægnantur ab ignis torturâ videntur recepisse, ità minimè ad scopum nostrum conferre possunt. Ea tamen indè deducetur utilitas, ut intelligamus luminis radios non uno modo adhærere posse corporibus, neque solâ absorptionis lege in iis detineri.

His directi legibus, decurrunt ad nos, & à nostris corporibus excipiuntur radii. Hinc & ipsorum actionis impetus æstimari, & effectuum magnitudo prævideri potest.

I I I.

NATURA, modus & intensitas mutationum, quas experiuntur corpora radiis solaribus exposita, pendent & à solis influxu vario, & à mutandorum corporum variâ conditione. Solis influxus vel agit vi constanti, æquali, continuâ; vel fit quasi subitis ictibus crescitque repentino intensitatis augmento. Conditionem verò corporum quod spectat, ea non simplex est. Adsit exemplo corpus humanum, cujus præcipuè hoc loco ratio haberi

5
debet. Illud igitur, ut omnia organica quæ vivunt & agunt, constat solidis fluidisque partibus, non solum molis massæque proportionem certâ, sed & principiorum determinatâ compositione spectandis. Præterea solidæ partes ex singulari organismi dispositione, & sensu quem ipsis vita impertit, peculiarem exercere valent spontaneæ actionis vim. Unde in solâ humanâ fabricâ multiplex oritur mutationum ordo, pro massarum statu, compositione partium chemicâ & earum organicâ actione.

Radii solis calorem excitando moles dilatant & expandunt. Quod ut fit in omni rerum naturâ, sic & in totâ organici corporis compage. In fluidis tamen major est ea mutatio celeriorque, in solidis minor & lentior. In utrisque & pro ratione caloris admissi directâ, & pro inversâ resistentiarum. Fluida igitur dum facilius expandit calor, ea promptius dividit; & dum nititur in vapores solvere, novâ elasticitate donat. Indè nova vis exercetur humorum conclusorum in proprios canales, illi ferè similis quam exerit aqua fervens intrâ *olla Papiniana* parietes æheneos. Indè si quis excedens ex umbræ frigore sistatur sub solè calidissimo, expansis intrâ vasa fluidis, turgescunt venæ, & *plethora notha* maximas misceret turbas, nisi rediret utile refrigerium. Ideò vere novo multis necessarium fit vasa vacuare misso sanguine. Præterea dissipatis demùm in vapores fluidioribus, siccantur fibræ; liquida densantur; sic exeunte æstate generatim aridum fit corpus, densi crassique humores, sanguis tenax & quasi resinofus, autumnumque manet melancholica humorum spissitudo.

Interea altè penetrata corporis principia admittunt ignem. Hinc oritur aliquod exustionis initium. Evolvuntur sales & olea, fluida acrimoniam concipiunt. Ideò biliosa & melancholica temperies apud meridionales populos frequens est, apud nostros homines sanguinea, apud frigidiores Borealiū terrarum incolas humida & phlegmatica. Ideò illis qui directo magis uruntur sole, non jucundiores arrident potus, quàm qui ex acidulis confecti humorum *alkalescentiam* valent compefcere. Et iis qui obliquis illustrantur radiis, spirituosius magis placent.

Verùm effectus isti æquè ex concitatis extus ignibus & artificioso calore produciuntur. Alia autem phænomena debentur tantùm directo radiorum influxui, & sua est ignis luminisquæ societati peculiaris actio. Solus enim calor laxando fibras, actionem tonicam vitalemque minuit, destruit organismi efficaciam. Ubi verò radii continuo affluxu corpora feriunt, fibrarum oscillationem augment, actionis æquabilitatem firmant, simulque exoritur singularis colorum creatio. Planta in umbrâ educata remotaque ab omni solis aspectu; artificioso calore tepens, molliores atque albicantes promit ramulos, teneriora folia explicat, & flores, si quos valeat producere, pallidos & infecundos,

Urbanus defensûs à solis ardore, calidis clausisq; in conclavibus degens, molli, laxâ, albissimâq; induitur cute, iners & debilis. Illa æstivo rursus exponatur foli, urbanus verò vitam etiam desidem agat, at ruri solisq; actioni magis expositam, brevî utriusque redeunt firmitas & vigor. Virescunt rami & folia rutiloque nitent fulgore fœcundi flores. Sic & novo ruricolæ cutis obfuscat, strictiorque fibra novas exerit vires; meliùs humores persciantur, multaue sensum curantur incommoda urbium vitæ debita. Nonne fructuum pars obversa radiis saturato magis & lætiori colore suffunditur? Nec minùs corporis partes nudæ, ut manus yultusq; omninò à cæteris colore, imò & densitate ac firmitate cutis distinguuntur. Notum est & vulgare experimentum, fructus chartis glutine adhærentibus variis in locis obductos, hæc arte albicantibus variegari lincis. Nonne & sui candoris studiosæ mulieres tunc tutò sub sole se credunt incessuras, si levissimo Coarum vestium textu vultus obvelent, maxime si candidis utantur. Non inde multum minuitur calor, sed frangitur proxima nimis radiorum actio: nisi tamen artem istam eludat æris æstiva illa proprietas (gallicè vocant *le hâle*) quâ videtur diuturnam radiorum vim in se recepisse; dùm quasi præfulgidus, & ut ita dicam phosphoricus, cutem afficit, etiam in umbrâ sedentium.

Præterea ubi subitis ictibus vibrantur radii, intensiores oriuntur effectus. Sic ubi nubium albissimarum reflexio adunat solare effluvium, ut fit sæpè procellis imminentibus, vividior calor oritur, istaque radiis solaribus corpora plectuntur variè: arescunt & emoriuntur plantæ, gangrænaque sicca fructus commaculat. Sic in hominibus tactum sole membrum, atque, ut aiunt, *insolatum* subito fibrarum crethismo stringitur; usti & irritatione collecti humores hærent; fit fervidissimum erysipelas in gangrænam aliquandò degenerascens, aut diù manet inusta cuti macula. Sæpè capite insolato infelices enecat phrenitis, aut inutilem demùm vitam infestat morte tristior infania. Partium quoque mollitie crescunt effectus. Ideò sudantem vel emergentem è balneo sol ferit vividius; indèque non benè sub ardente sole plantas molliores aquâ resperferis.

Non igitur spernendus stimulus in fibras cum radiis adigitur; nec minùs mira est illa colorum formatio. Num hæc est peculiaris luminis absorptio? Num est incognita radiorum corporibus adhæsiò? an fugacissima materies hic novis nectitur vinculis, fixaque demùm corporum principiis admisceatur? Certè nec ista soli igni debentur, nec soli lumini, sed utriusque per radios solares adunationi motuique rapidiori.

UT ab externarum rerum excessu defectuque mala, ita & ab earum usu moderato maxima utilitas. Sic radiorum actio & nocere multum & prodesse potest. Istius actionis utilitas in ejus moderatione sita est. Lædit enim, aut aucta subitò, aut vicissim mutata, aut collecta in focum, aut in partem unicam determinata validius. Contrà utilis est, si constans, aut sensim crescens decrescensque, omne corpus moderatè mutat & afficit.

Dilatatis solidis expansisque fluidis liberior fit humorum circuitus. Sed ex calidiori sole, plethoræ mala primò, deinde siccitatis. Sic vere novo facilius decurrunt humores per vasa majorque accedit functionibus alacritas; ex subitâ verò aëris incallescentiâ, hæmorrhagiæ junioribus accidunt, senes affligunt apoplexiæ.

Dum fluidorum principia altè penetrat calor, eorum attenuationem augeat; undè acceleratur coctio, secreta fluunt uberius; fit assimilatio plenior, excrementaque in naturam perspirationis melius deducuntur. At si addensationi debitæ non respondeat iustò major attenuatio, nimia tenuitas, & acrimonia succedunt, vertitur in deteriorem naturam alibilis materies, & malè reparatum pestumidatur corpus.

Affluentibus radiis fibræ stimulantur, astringuntur, roborantur; indè augetur tonus & actio, indè & liquidorum perfectio, robur firmitasque totius corporis. Verùm superatis metis fibrarum rigiditas, siccitas, durities, occallescentia, sensus abolitio, senectus præmatura. Quàm debilis valetudo, quàm laxa temperies illis, qui tenebris involuti altum dormiunt, dùm terris affliget dies, noctuque expergiscentes somno dicata tempora ducunt pervigiles! Quàm illis amæna temperies, quàm lætus color vegetumque corpus, quos juvant jucunda ruris otia, qui matutinos amant soles, ardentemque fugiunt Sirium! Contrà quàm duris, quàm arescentibus fibris, siccâque & nigrâ cute squalent exusta corpora messorum, quos torret solis ardor maximus. Vix juventutem noscunt, citò senescentes.

Præterea solis actio benefica tenellos firmans puerorum artus, aliquâ ex parte curationi Rachitidis opitulatur. Nam præter debitum victus remediorumque apparatus, nonnihil accedit fibræ roboris, humoribusque perfectionis, si membra mollia expofueris quotidiano soli, nudaque sub radiis prefferis assiduo, sed leni frictu. Videtur enim radios solares quasi altius adigere frictus & exercitium, eorumque efficaciam ultra superficiem corporis in membrorum intima producere. Frictus rachiticis lentiorè ferret sine sole medicinam; at si sub radiorum influxu deficeret, minus juvaret solis actio. Nihil exercitiis sub sole clementiori institutis roborat felicius,

verum quiescentem urit siccaturque solis ardor, & sub aprico facilius insolantur otiosa membra.

Igitur somnos in umbrâ capeffe : exercearis in aprico , sed tecto capite ; ne cerebrum mollius adurat penetrabilis actio ; viatorque sub Sirio albis induere. Venum sequere autumnalemque solem ; æstate matutinum excipe , & antè deciduas pruinas ferotinum ; hyeme sub meridiano impunè obambulas. Non te sudantem feriat lumen rapidius , nec te in balneis , nec post balnea penetret. Sic felix omni tempore rustificatio , autumnò & vere felicior.

V.

IGITUR solares radii perpetuo flumine terrarum orbem collustrant , ambiunt , penetrant. Certis legibus ignem lumenque dividunt. Indè actio certa , constans & efficax ; indè ex alternis mutationum vicibus , laborum & quietis alternatio ; indè naturæ vita , vis & alacritas. Benigno solis aspectu recreata lætantur animalia , eriguntur plantæ. Hujus tepore alacres crescunt , pubescunt , dulces ineunt thoros & sæcunda connubia. Scilicet inde fibrarum robur , motuum efficacia , functionum integritas , corporum vigor , firmitas , color & perfectio. Illo oriente expergiscunt , propiore fervent , decedente languescunt , absente torpent. Hinc varia variis climatibus fertilitas ; utque suus singulis solis aspectus , sic sua singulis natura. Hinc non una hominum facies , non color unus , non plantarum , non animalium. Imò & sua sunt variis tempestatibus producta , sui sunt etiam colores ; & sub boreali cælo quædam animalia hyeme candida , æstivo sub sole colores induunt novos. Ne dicas tamen quasdam regiones carere Solis beneficiis. Quamvis enim aridis in plagis uratur Æthiops , algeatque sub Polis brevis Lappo , suum quisque sidus amat. Huic diei semestris rigidum frigus lenis videtur tepor , illum juvant quibus torretur ignes ; uterque solem , sive remotum prospiciat , sive suspectet imminentem naturæ parentem salutem , ejus lætatur influxu , longævique vivunt inter glacies & arenas. Neque moretur nos abdita rerum quibus beamur natura ; & quocumque sub sole vivamus , semper erit concludendum :

Ergò Radium solarium actio sanitati confert.

Proponerat Parisiis JOANNES-NATALIS HALLÉ , Parisinus , Saluberrimæ Facultatis Medicinæ Parisiensis Baccalaureus , Theses Author.

A. R. S. H. 1777. A SEXTA AD MERIDIEM.